


Модульз

Дүйсенбек ҚАНАТБАЕВ
ТУҒАН ЖЕР

Георгий ГРЕБЕНЩИКОВ
БАТЫРБЕКТІҢ ХАНДЫҒЫ

Хасен ҚОЖА-ТҮРК
ОРЫС ТІЛІ КӨНЕ ТҮРК ТІЛІ МЕ?

3
—
2015



ТҮСІМДЕ ҚӨРГЕН КІТАП немесе ТҮФҮР ТУЫНДЫ

ИСАБЕКОВ ӘЛЕМІ

...Кездейсоқтық деуге болмас, сірә? Мен мұны оқиғалардың онынан тоғысусы деп ойладым!

«Не айтып отыр, өзі?..» Асықпанаңыз. Мән-жайды ширатып жеткізейін. Алға койған мақсатымды ілгері жылжытпақ бол «Таңғы шықты» тағы да қолға алдым. Ретіне қарай Дулат Исабековтің «Шойынқұлағын» қайталап оқып шықпақпын. Жүрекке жақын жас жазушылар жинағын парактау үстінде Дулат тұрасындағы деректер дүркін-дүркін естіліп жатты. Елендемеске лажын жок.

Газет-журналдарды ашып қалсан, жазушының жетпіс жылдығына орай жарияланған көлдей-көлдей эссе-портреттер. Еріксіз ынтыға үнілесін...

Теледидарды қосып қалсан, теларналадар жарысып көрнекті қаламгермен жүздесу кештерін өткізуде. Орталарында – Дулаттың өзі. Еріксіз тамашалай тесілесің-ау...

Радионың тетігін бұраған сәтте де сүйікті суреткер хақындағы жағымды жаңалықты естісін: «Жазушы Дулат Исабековтің шығармалар жинағының жеті томы «Атамұра» баспасынан жарық көрді. Онда «Қарғын» романы бастаған қаламгердің 12 повесі, 34 әңгімесі, 27 пьесасы мен 3 аударма-хикаясы бар...» Еріксіз қызыға құлақ түрлесін-аї...

Жарнамалар жар салуда. Данқты драматургтың пьесалары бойынша «Исабеков әлемі» атты халықаралық театр фестивалі етеді. Алматы сахналарында алыс-жақын шет елдерден келген театр шеберлері өнер көрсетеді. Еліміз мәдени өміріндегі бұл елеулі оқиғаға қалайша ықылас аудармайсын...

Сонымен катар, түрлі ток-шоулар мен пікірталас аландарынан да бүтінгі үлттых сөз өнерінің мактандышина айналған классик ағамызды жазбай танимыз. Ал қазіргі талғамы биік оқырман қауым Дулат Исабеков есімін жалпақ жүртқа жар салып әйгілеген әңгімесінің «Шойынқұлақ» екенін біле бермеуі мүмкін. Уақасы жок. Ендігі аз-кем сөзіміздің арнасын осы атышулы шығармаға бүрмакпыз. Назарыңызды бөліп, құлағынызды салыңыз. Түфүр туындының тағдырынан хабардар болғаныңыз жөн шығар.

«Шойынқұлақ» – жас жазушылар әңгімелері топтастырылған «Таңғы шық» жинағындағы ең тандаулы, ең шоктыкты әңгіме. Анау-мынау хикаятка бергісіз түщымды дүние. Эу баста қадап ескерткенімдей, өз басым бұл туындымен бұдан жарты ғасыр бұрын тұнғыш рет танысқанмын-ды. Шынын айту керек, жалғыз мен ғана емес-ау, бүкіл ауылдастарым бірінен сон бірі, кезекке тұрып оқыған. Ұлан жаз колхоздың дала қосындағы пішешші-механизаторлары қолдарынан тастамағаны есте. Тіпті, мына қызықты қараңыз. Дулаттың әңгімесіндегі бас кейіпкердің тағдырына ұқсас Бактыбай тракторшыны құрдастары «Шойынқұлақ» атап кеткен. Жетпістің

Жалғасы. Басы өткен сандарда.

жуан ортасына келген оны замандастары «Шөке», «Шойынқұлақ» деп құрметтесе, кішкентайлар жағы «Шойынқұлақ ата» дейтін көрінеді. Өкініштісі сол, бұрнағы жылы қөктемті қекше мұзда ауыл іргесіндегі Балқашқа шыңжыр табанды тракторымен батып кетіпті. Қысттан набыт болған марқұмның жаназасында кейінгі жас молданың бірі «айтпақшы Шойынқұлақ атасың азан шақырып қойған есімі кім?» деп сұраптымыс... Өмір-ай!..

Әңтімеміз жартыкеш қалмасын. Мен білестін тағы бір Шойынқұлақ бар. Костанай облысының Жітіқара өнірінде тұрса керек. Бұдан елу жыл бұрын студент кезімізде астықты аймаққа ауылшаруашылық жұмысына барғанда танысқанбыз. Мінез-құлқы мен сыртқы пошымы, іс-әрекеті мен қылыштары Дулаттың әңгімесіндегі Алданыштан аумайды. «Мынауын сойып капитап қойған Шойынқұлақтың дәл өзі ғой» деген курсастымыз Женістің сөзін өзгелеріміз де мақұлдағанбыз. Екі жыл қатарынан үшінші семестрде тың төсінде кездесіп жүрдік. Жоғары класти механизатор. Әуелті жылдары шыңжыр табан трактор жүргізіпті. Кейінгі кездері екі-үш тіркемелі КамАЗ машинасымен Жітіқара элеваторына бидай тасиды екен. Ұмытпасам аты-жөні – Тұрман Борисов. Ең алғаш рет орталық қырман басында жолықтырды. Мұрынға су жетпейтін қауырт шакта ұзақ сөйлесіп, шешіліп сырласа алмаймыз. Біздің филфактың қызы-жігіттеріне үйірсок. Астық керуендері кезек күтіп тұрып қалғанда, әйтпесе қара күздің сүйк жаңбыры тоқтамай себезгілеген сәттері тырылап касымыздан шықпайды. Иманжұзді, ұдайы құлімсіреп жүреді. Айыбы да, міні де – қазақшаға шорқақ. Тілін бұрап, екі-үш сөздің басын зорға құрайды. Қатты қысылады, бірақ бұл кемшілігін қызы-жігіттер елемеуге тырысады қобіне. Әлгіндегідей амалсыз үзілістерде, машинасын қантарып қойып, жал-жал бидай тауларының арасындағы шатырларда шахмат-дойбы, иә болмаса домино ойнап уақыт өткіземіз. Бұлттан-бұлтқа тығылған күннің қабағын аңдымыз. Оны-муныны тілге тиек етеміз дегендей. Осындаі бір қысыр әңгіме үстінде Тұрман өзі туралы өте қысқа ғана баяндаған...

Ол балалар үйінде өсіпті. Әке-шешесін білмейді екен. Жөргектегі тастандыны Борис деген орыс жігіті әкеп тапсырыпты. Бұдан басқа ештенеден хабары да, дерегі де жок. «Тағдыр шығар. Ата-анам кімдер? Бар ма, жоқ па? Борис кім болды екен? Сұрастырып көрдім. Жан баласы білмейді. Мектепті де, профтехучилищені де Тобылда бітірдім. Тұған-туысқаным да жок. Детдомдағы достарым да жан-жакқа шашырап кетті. Әркім өз тірлігінің соңында. Біразы үйленді, балалары бар. Менің де үй-жай болғым келеді. Әзірge дұрыстау қыз кездеспей жур. Қазақ бикештері «орыссын» деп менсінбейді. Не істеймін? Көрерміз мыңдайға жазғанды. Мүмкін, бағыма қарай біреу-міреу жолығып қалар?.. Мына қырман басындағы кезекші диспетчер қызды ұнатып жүрмін. Қалай сөйлесерімді білмеймін. Бетімді қайтарып тастай ма деп қорқақтаймын...»

Мінеки, мен білестін Шойынқұлактар. Сөз жоқ, өзге өнірлерде де ұшырасуы мүмкін ғой. Өйткені, Дулаттың әңгімесі кітапқа шықпастан бұрын-ақ ел арасына кеңінен таралып кеткен еді. Сол кездегі республикадағы таралымы ең көп басылым «Лениншіл жас» қатарынан үш нөміріне жариялағаны есте. Қалың жұрт колдан-қолға түсірмей оқыған.

Өмірдің өзінен ойып алған оқиғалы шығарма көпшілік көнілінен шыққаны мәлім. Алдыңғы буын қалам қайраткерлері де «әдебиетіміздің аспанынан жаңа жұлдыз жарқырап көрінді» деп қуана сүйінші сұрады. 1966 жылы 18-20 мамырда өткен Қазақстан жазушыларының V съезінде проза жанры бойынша баяндама жасаған сарабдал суреткер Тахауи Ахтанов жас таланттардың алғашқы аяқ алысы төнірегінде тебірене тоқталып, Дулат Исабековтің соны ізденісіне жоғары баға береді. Талантты жазушының тұңғыш кітабы «Бекетті» айрықша мақтайды. Осынау ізашар жинаққа автордың бір хикаяты мен «Шойынқұлақ» бастаған төрт әңгімесі енген-ди.

Оқырман жүргегіне ұялаған әңгімені тағы бір мәрте зерделей оқып шықтық. Бұ

жолы әсеріміздің ақ қағазға түсірдік. Кәне, бірге жанар жүгіртейікші.

Исабеков әнгімесінің композициялық құрылымы бекем өрілгендейтін, оқиғалар шашыранқы емес, динамикалық әуенде өрбиді. Әнгімеге бас койған бетте ойында бір ғана саял тұрады. «Шойынқұлақ деген кім, өзі?..» Бірақ, біразға дейін ізденеген кейіпкерінді жолықтыра алмай, ілгері ынтыға оки түсесін. Автордың да алға койған негізгі нысанасы осы. Окушыны қызықтыру! Жас жазушылар жинағындағы әнгімелердің көбіне ортақ жай – шығармаларын бас геройдың есімімен атап. Бұл үрдіс жас талапкерлерге тән сипат. Эрине, мұны ізгі ізденіс ретінде макұлдауға болмас. Ал бірден ескертіріміз, Дулат әнгімесінің тақырыбы өзін-өзі актап та, даралап та тұр. О жағын шығарманы талдау барысында жан-жакты аша түсірміз. Сонымен, әнгімеге көктем көрінісін суреттеген эпизодпен басталады. Жазушы хараптердің көніл-күйін, іс-әрекетін ашу үшін табиғат үйлесіміне ден кояды. Құр әшейін сылдыры сөзбен боямай, механизаторлық курсты тәмамдаған он сегіз жасар ұланның шуакты көктемін табиғатпен астасыра бейнелейді. Осы орайда қаламгердің кестелі тіліне ерекше назар аударған жөн. Дулат өте сезімтал суреткер. Ой көзі қырағы, айнала-төнірегіндегі табиғат құбылыстарын байқағыш. Өзіне қажетті көріністерді ғана өз кейіпкерлерінің ішкі әлемімен әлемі үйлестіре қабыстырады. Жалаң жылтырактан гөрі, ойлы образ сомдауға машық жазушының сөзбен сызған суреттері әрдайым шынайылығымен тартымды. Әнгіменің беташар пейзажын көз алдымызға елестетейікші.

«Аласапыран көктемнің кезі еді. Қыс бойы қар астында тұншықкан жер беті, енді емін-еркін ракаттана тыныс алғандай. Ауыл сыртындағы құба жондар қыстан әбден титықтап шөгіп қалған атан түйедей, бөксесін күннің әлсіз шуағына тойымсыз табындыра түседі. Бұрын ақ қардың үстінен әлдекім қарамай жағып кеткендей алыстан шұбараланып көрінетін кара жол, енді тапталған қамырдай көзге сарғыш шалынады. Жер беті ерекше бір жанданып келе жатыр. Топырақ астында бұғып жатқан тіршілікті құдіретті құн сәулесі қытықтап оятып, бұ дүниеге сүйрелеп шығып жатқан сиякты. Әлдекалай бір қайратына болайын нәп-нәзік есімдіктер, тасты да тесіп, осынау өмірге елжірے ентелеп, құн көзінә жапа-тармағай тесіріе қалыпты».

Уш айлық механизаторлар курсын бітірген Сұлтан еңбек жолын тындағы жана совхоздардың бірінде тракторшы бол бастайды. Жас жігітке жана жердің әрбір талшөбі де, адамы да, даласы да таныс емес. Алғашқыда совхоз орталығы құддық кішігірім каладай елестеген, іле-шала бытырап шалынған үйлері қораш көрінген. Бөгде мекеннің даласы да сүренсіздеу сезілгені рас. Әлтінде директор кабылдауында болып, тапсырманы шегелеп алған оны қырдағы механизаторлар қосында да құрақ ұшып қарсы алған ешкім көрінбеді. Тракторшыларға тұсқі тамақ әзірлеп жүрген аспазшы әйел де бәлендей мән бере қоймаған. Жұмысшылар жатакханасы саналатын көшпелі вагонға бас сұғады. Енді ғана көзін тырнап ашып, мен-зен бол жатқан шомбал қарамен ерекесіп калады. Әуелде қиқар сұрактарына қиғаш жауап қайтарған екеуі тез-ақ тіл табысады. Жаңа танысы Олжабек: «Імм, дұрыс. Қазір бригадир келеді. Жұмысқа қашан шығатыныңды, кіммен бірге істейтінінді содан білесін. Жоғарғы полкадағы мына орын бос. Әзірге жатасың ба, отырасың ба, қалауың білсін. Жігіттердің бәрі жер жыртып жүр. Мен тұнгі кезектен келгем...»

Көп ұзамай бригадир де келеді. «А-а, бізге келетін тракторист сен екенсін той!», дейді өзара сырласып, әнгімелері жарасып отырган екеуінің үстінен түсіп. «Жаксы, жақсы... Шойынқұлақпен бірге істейсін, оның кезектесі жок еді...» Тұс ауа бригадир Сұлтанды атына мінгестіріп, сүдігер жыртып жүрген трактордың маңына тақамай, борозданың жиегіне түсіріп кетеді.

«Шойынқұлақ. Өзінің аты да қызық екен...»

«Мынан шықпай қойған адаммен айдалада бетпе-бет жүздесіп тұр. Жер-дүниенің дүрсілдетіп басына көтерген шынжыр табан трактордан секіріп түсken енгезердей жігіт мұрның шүйіріп қарсы алады. Төбелесетін кісідей, сонадайда кимылсыз

состиған қалпы жөн-жосық сұрасады. Бейтаныс жігіттің «сіз-бізіне» қыжыртпа жауап кайтарып, жүйкесін өзінше «тексерген».

«Бригадир сені маған жіберсе, бұдан былай «сізінді» қоя тұр. Менімен бірге істейді екенсін, сзыымай-ақ, ендігі жерде құрдас боласың. Өзің тым арықсың ғой, сорайып есе бергенше жуандасаң қайтеді! Трактор айдауға шамаң келе ме?».

Сұлтан да дойырдың әр сөзіне ызалана жауап қайырып, ығына көнбейді. «Ер шекіспей, бекіспейді» демекші алғашқы текетірес сынынан сүрінбей өткен оған екі иінінен «демалып», жер солқылдатып тұрған тракторын табысталап, ак жол тілейді. «Мен танертең келемін, ендігі шаруаны өзіне тапсырдым...»

Трактор тізгінің қолына ұстаған жас маман намысқа тырысып бағады. Өзіне жүктелген жұмысты зор жауапкершілікпен аткарып, міндет биғінен шығуға ұмтылады. Жаңа таныстарының оғаш мінездерін де елемеуге тырысады. Еркін де, бұла өскен сайын дала серкелерінің қылыштарына кешіріммен қарап, қайта керісінше олардың өр мінездерінен көп нәрсені үйренуді ойлаған. Шойынқұлактың нағыз ереккек тән арсын-құрсін іс-әрекеттерін ұнатқандай. Ол алдында керіліп созылған жаңадан жыртылған жұмсақ борпылдақ топырақтан жаңар жазбаған күйі тартып келеді. Ойы әлем-жәлем. Айтпақшы, ол «менің атым кабинада жазулы, тауып аларсың» деді емес пе. Жалма-жан кабинаның ішін тінткілей іздей бастады. Киналмай тапты да. «Масло» деген көрсеткіштің дәл ұстіндегі «Алданыш» деп жантайта жазылған ірі-ірі жазуға көзі түсken. Аң-тан. «Мұның Шойынқұлағы несі, Алданышы несі? Әлде бұл — «Ер Төстік» ертегісіндегі Шойынқұлакқа тенеп, қалжынбас құрдастарының қосымша таңып жүрген аты емес пе екен?! Егер солай болса, өте дәл тауып қойылған. Мінезі де, қылышы да, ең акыры пошымы да ұқсайды. Кім ойлап тауып жүр десенші...» Екі езуіне құлқи үйірілген Сұлтан алғашқы енбек күніне құлышына кіріседі.

Автор бас кейіпкердің образын әр қырынан сомдайды. Шойынқұлак — құрделі бейне. Сондықтан да жазушы сюжет желісін шым-шымдап дамыта отырып, оқиғаны түрлі эпизодтар арқылы шиеленістіре, ширага түседі. Қактығысты ситуациялар кезінде кейіпкерлер өзденгейлерінде тұлғаланып, оқшаулана көрінеттін және мәлім. Осынау түйінді шешімді қalamгердің қиялы қалай алып шығады, ол — суреткердің тікелей шеберлік әдіс-тәсіліне байланысты. Мәселенки, жұрт біле бермейтін бас кейіпкер Шойынқұлактың мына бір қылышы төмендегіше суреттеледі:

«— Сендер Шойынқұлактың совхозға алғаш келгенде, біздің осы бригадир Тілеуғабылды қалай масқарасын шығарғанын білесіндер ме?

— Жоқ, қалай шығарыпты?

— Е, айтшы?

— О, ол бұдан да қызық, — деді әлгі қарлықкан дауыс. Оның сол кезде-ақ әлгінде ғана мені карта ойнауға шақырған адам екенін біле қойдым.

— Ол былай болған, — деді әлгі сөзін жалғап:

— Шойынқұлактың алғаш рет совхозға келіп, жер айдал жатқан кезі болса керек.

Біздің Тілеуғабыл жақсы адам болғанымен мінезі шарт, тілі аңы ғой. Шойынқұлактың айдал кеткен жерін қамшысының сабымен әрі-бері өлшеп тұрып:

— Эй, мұнда кел. Қөрдің бе не істеп қойғанынды? Қырық сантиметрдің орнына, отыз-ақ алыпсын. Бәрін саған қайта жыртқызымын, — дейді.

— Жоқ, сіз тек ойпаң жерді ғана өлшеп тұрсыз басқа жерінің бәрі қырықтан кем соқпайды, — депті анау. Сонымен не керек, екеуі ерекісіп, біраз жерге барысып қалыпты. Алғашында, момын ғой, Шойынқұлак ұнсіз тұра беріпті. Ал, анау оны басынып:

— Оңбаған, жер жыртуды әлі үйретемін мен саған, — депті.

— Эй, бригадир болмақ түгілі, құдай болсан да, әлгі сөзінді қайталап айтсан, айтпады деме, сойып саламын, — дейді Шойекен.

— Сен кімді соясын, мына мені ме? Кімге шамаң келеді, оңбаған Шойынқұлак!

— деп анау өзеурейді. Онда Шойынқұлакты бәріміз де Алданыш деп шын атымен аттайтынбыз. «Оңбаған Шойынқұлак» деген сөзді алғаш есіткен ол, бригадирге бүркіттей төніп:

— Эй, не дедің? Қайта айтшы! — дейді.

— Неси бар? Оңбаған Шойынқұлақсың! — дейді анау қайталап. Бірақ айтарын айтса да, түрі бұзылып кеткен Шойынқұлактан сескеніп, атына мініп алады. Шойынқұлак оны жұлып алады да, мыжып-мыжып, ерге теріс карай отырғызып, шылбырмен әбден шандиды да, калтасындағы темекіден атының құйрығына құйып, жүгендің сыптырып коя береді...

Оқиғаны әңгімелуеші өзі күә болған жайды тәптіштеп түсіндіреді. Тындаушылар да қызыға елендейді. Асая тай құйғытып біресе анда, біресе мұнда барып, ең соңында өзі жеп үйрентген бұрынғы иесінін ауласына бас тірдейді. Үйді айналып дұрсілдеткен не болды екен деп қожайыны сыртқа шыққанда, өз көзіне өзі сенбейді. Шешуші сәтті жас жазушы әдемі туйіндейді. Оқыс көріністін шынайы да, нанымды бейнеленуі сәтті.

«— Кімсін ей? — дедім. Үн жок. — Ей, тілің бар жансың ба, кім керек саған?

— Ойбай, Мақыш, мына масқарашибылқ тісінен шыға көрмесін, алдымен мені шешші, — деді. Даусы дірілдеп әрен шығады. Карасам өзіміздің Тілеугабыл! Бәрін Шойынқұлақ істепті.

Содан бері екеуі сөйлеспейтін көрінеді. Айтпа деп еді, айттым ғой. Жұрттың бәрі ішектері қата, жан-жағына қисая құлап күліп жатыр. Мен де еріксіз құліп қойдым да, бригадирдің кеше «совхоз орталығына асығып бара жатырмын» деп Шойынқұлаққа неге жақын бармағанының себебін түсіне қойдым».

Қызықты хикаяны өз құлағымен естіген Сұлтан да көп сырға қанық болады. Кезектес серіктесін бұрынғыдан бетер тани түседі. Өжет те бірбеткей, дөрекі де елгезек, қатығез де қамкор, жігерлі де намысшыл, жүрегі қатал да нәзік алғаулы сезімге толы Шойынқұлақтың жан-дуниесін ұққандай құй кешеді. Алғашқы жұмыс күні әбден қалжырап-шаршап, қалғып кетіп тракторды жарға құлата жаздағанда Шойынқұлақ күтпеген мінезімен қайран қалдырығаны бар. Етжүргі елжіреп «өзің аман болшы» деп ұрыспай, зекімей қамкор қанатына алғанын қалайша ұмытарсың?! Өзін кекетіп, мұқатқысы келгендерге де тиісті сыбағасын бергені дұрыс-ау. Әйтпесе, әркім жаншып, таптап кетпей ме? Мінезі мен ісі кесек кісінің, алғы адамның жүрегі әрдайым шуақты болады. Ондайлардың махаббаттары да мүлдем бөлекше-ау...

Сұлтан мен Алданыш бір-біріне бауыр басып, ағалы-інілі күн кешіп жатты. Абайсызда, ерегіс үстінде «Шойынқұлак» дегені үшін шапалақ жегені де бар. Бірақ, жүректері таза екеуі өткенде ұмытып, сырласады. Ашық әңгіменің қызуымен ауыл дәрігері Нәзираға бірігіп, дүниегі барлық әдемі сөздерді үйіп-төгіп Шойынқұлақтың атынан хат та жазады. Бір емес-ау, әлдененеше рет. Ғашықтық сезіміне өртенген Алданыштың үлкен үмітін су сепкендей өшірген Нәзираның жалғыз да, соңғы хаты оның тағдырын өзгертіп жібереді. «Менің басқа жігітім бар. Енді көп байланыса беруші болма. Осымен бәрі де бітсін, Шойынқұлак!». «Жүрек лұпілін түсінеді-ау деген сүйіктісінің түрлідегі көрінген лепесі жігіттік намысын корлаганда есенгірейді. Қосқа оралмай күні-туні тракторынан шықпайды, тамак та ішпейді. Мандайы тасқа тиген ол өзінше бір тоқтамға тіреледі.

Каламгер шығарманың шарықтау шегін былайша баяндайды:

«Иә, ол тынышталайын деген екен», — деп мен де біраз жеңілденіп қалғандай бір күрсіндім. Бірнеше сағат өткен соң, Шойынқұлак отырған орынға тоқтап, тамактарды жинастыра бастадым. Сол кезде бір қағаз газет арасынан жерге сусып түсе қалды.

«Сұлтан, мүмкін тағы бір жерде кездесіп қалармыз. Мен кеттім, қош бол. Алданыш». Ишімді от жалап өткендей болды. Қос жаққа көз тастанап едім, сонау кия бетте солдат шинелінің етегі желбіреп, кетіп бара жатқан Шойынқұлақты көрдім. Даусым оған жетпейтінін білсем де, барынша айғайлап, судігерге сүріне-кабына солай

қарай жүгірдім. Бір кезде ол артынан қуып жеткен машинаға отырды да, мені көріп қалып, кепкасын көзден таса болғанша бұлғап бара жатты...»

Әңгімені осылай аяқтаса да болар еді. Алайда, Дулат аға өйтпейді. Түйін эпизодта Алданыш пен Сұлтан күтпеген тұстан кездесіп, сағына қауышады. Жүргегі жарылардай қуанған ол «Шойынқұлақ!» деп оның алпамсадай иығына асыла кетеді. Көңілінде қылаудай сызат жок Алданыш:

— Тыңды сағындым, сонан соң, акымағым, сені сағындым ғой мен, — дейді еркелете шашынан сипап.

Жүрек қылын тербер шынайы штрих. Дулат Исабеков әңгімесінің соңғы бетін қимай-қимай жаптық. Көз алдымызда көлбендеген таныс бейнелерге бауыр басып қалғандаймыз. Күнде көріп, күнде араласып жүргендейміз-ау. Жанымызда, қасымызда аралас-құралас боп жатқан оқиғалар. Жазушының құдіреті де, міне осы емес пе?! Алаөкпесі шыбып, жасандылыққа ұрынбай, өмірдің өзінен ойып алып қаз-қалпында ұсынып отыр. Эрине, айтуға онай. Эйтпесе, оған да өрелі шеберлік керек!

«Шойынқұлақты» оқырман да, әдеби орта да жылы қабылдағаны мәлім. Студент кезінде-ақ жазушы атанған Дулаттың баспа бетін көрген тұңғыш әңгімесі – «Жолда» деп аталады. 1963 жылы «Замандастар» («Қазмемкөркем әдебиет» баспасы) жинағында жарияланған. Ал мына «Шойынқұлағы» балауса қаламның аз уақыттың ішінде қалай төсөліп қалғанын айқын аңғартты. Оқиға желісі шашаусыз, шымыр өрбиді. Жазушының кестелі көркем тілі образдарды мұсіндеуде жарқырап көрінеді. Исабеков ирониясы ұстараның жүзіндегі өткір. Құлдіріп отырып, келемеждеп отырып келеңсіздік атаулыны мақтамен бауыздайды. Бір-біріне ұксамайтын харakterлердің ішкі психологиясын автор мейлінше нанымды суреттейді. Адам жанының арпалысын тамыршыдай дәл басып көрсетеді. Олардың әрқайсысына тән қасиеттерін ашып көрсетудегі ізденістерді байқау қын емес. Оқиғалы штрихтар, бейнелі диалогтар мен толғакты монологтар қаламгер қарымын да, беделін де биіктете түсken.

Алғашқы кітабы жазушылар құрылтайында макталған Дулат Исабеков творчествосы туралы іле-шала баспасөз беттерінде, әрқиыл әдеби басқосуларда сыйнышылар Зейнолла Серікқалиев, Сағат Әшімбаев, белгілі қаламгерлер Шерхан Мұртаза, Асқар Сүлейменов, Өтебай Қанахин, Қалихан Ысқақовтар ой-пікірлерін білдіріп, жемісті табыс тілегені баршаға аян. Қазақ оқырмандары көңілінен шыққан «Шойынқұлақ» Николай Ровенскийдің аударуымен кешікпей «Простор» журналында жарық көрді. Бұл тамаша туынды венгр тіліне аударылғанын да оқырман есіне саламыз.

...Тұңғыш туынды төнірегінде зерттеме-баянызды келте қайырмай, ұлттық көркем ойымыздың сара саңғағы – Дулат Исабеков өнернамасы хақындағы әр буын өкілдерінің жүрек домналарынан сүзіліп шыққан ақжарма лебіздерімен сабактағанды жөн көрдік. Қара қылды как жарған пікірлерге тоқтап, құлак асу – әдебиет алдындағы асыл парыз. Жазушы Исабеков мактауға зәру емес. Бұл – имандай шындық. Өйткені, ол өз Олимпіне оқырмандары мен көррермендерінің ыстық ықыласына бөлентген ғажайып шығармалары арқылы әлдекашан көтерілген. Оған мысал іздел әуре-сарсанға түсдін қажеті шамалы. Қаламгердің жеттіс жылдық мерейтойында еліміздің жүргегі – Астанадағы Конгресс-Холлда шүпірлеген жүрттың алдында қазақ әдебиетінің бүгінгі корифейі Әбдіжәміл Нұрпейісов шегелеп тұрып айтты. Асқақ Алатаудың аясындағы Алматыдан арнайы ат арытып келген тоқсанды алқымдаған Абыз-ақсақалымыз аузынан естілген «Дулат туралы сөз» Отанымыздың бас газеті «Егемен Қазакстанда» басылды. Ақықатын айту керек, ардақты Әбекенің тебіреніске толы толғанысы бір кездегі үлкен үрдістің үзілген үзігіндей әсер еткен. Зәулім сарайдың төрінде мұзбалак сұнқардай санқылдаған Әбекенің жүрек сөзі осыдан жарты ғасырдан астам бүрін ұлы Мұхтар Әуезовтің ҚазМУ-де сөйлеген «Жыл келгендей жаңалық сеземізін» еске түсіргендей.

Сонымен, Әбдіжәміл аға не деп еді, кәнеки, жіті үңіліп көрейікші:

«...Арыстың жалан аяқ қарасирактары ішінде кіп-кішкентай Дулат бала да бар еді. Енді ол оқ көрген, өлім көрген жауынгер әке, жауынгер ағалардың құшағында өсті. Есейді. Ер жетті. Сол кезе біз қазір қалай карасак та, шыны керек, адамдарды, алабөле қоғамды, жас үрпақты есейткен келелі әлеуметтік оқиғаларды бастан кештік. Қазір бірінен кейін бірі мүшелтойларын өткізіп жаткан мына үркердің шоғырындаған осы бір аздарымыз, әдебиетке әне бір кезде жылымық деп аталған алпысыншы жылдың бірсыптырасы бас кезінде, бірсыптырасы орта кезінде келіп еді. Бұл үрпақ өздерімен бірге біздің әдебиетке жана түр, жана құнарлы тіл, жанаша ойлау, элегиялық һәм лирикалық тебірену, толғанудың эстетикалық табиғатына мұлде жана серпін әкелді. Сонымен бірге, әдебиетіміздің өсу, өрлеу дәүіріндегі ен бір жауапты жүгін мойнына алған да осы үрпақ еді. Соның ен бастысы алыптарымыз Мұхтар Әуезов, Сәбит Мұқанов, Ғабит Мұсіреповтердің көтеріп кеткен биігін төмен түсіріп алмай, ұстап түру болатын. Оны бұлар орындағы. Орындаракана қоймай, қайта, бір табан да болса, ілгері бастырып, биіктете түсті. Оған бірден-бір дәлел – бүгінгі юбилиарымыз Дулат Исабековтің, әсіресе, Әбіш Кекілбайдың, Төлен Әбдіктің, кешегі Бердібек Сокпақбай, Оралхан Бекей, Сайын Мұратбектің, бұлармен бірге әдебиетке ілесе келген Тынымбай Нұрмагамбет пен Смағұл Елубайдың шығармалары».

Ағыл-тегіл шарасынан асып-тасып төгілген ұзақ тебіреністің үзігінен талай жайды анғарамыз. Әр пікірін, әр сөзін елеп-екшеп айтатын сыралғы жампоз өзі мегзеген үркердей шоғырдың ішіндегі ен жасы Дулаттың нық қадамына бөлекше назар аударады: «Дулаттың романын сол кездегі студент жастардың құндіз-түні қолынан түспейтін сүйікті шығармасына айналды. Автор қөкірегінде кордаланған сыры мен шынын ақ қағазға түсірерде өзінін мойнындағы халқы алдындағы азаматтық парызыды бір сәт есінен шығарған емес. Сонан болар, біз оның қай шығармасының бетін ашсақ та – ол драма ма, ол лирикалық проза ма, әлде сыршыл, мұңышылдыққа бейім эссе ме, сонын бәрінің де идеялық аркауында азаматтықтың иығы шығып тұрады. Бұның творчествосындағы жазушылық ұстанымына тән бір ерекшелігін айтпай кетуге болмайды. Ол Дулаттың түптің тубінде кішкентай адамдардың тағдыры жөнінде үлкен бастауды Бальзактан алып, оны кейін орыстың ұлы жазушылары Гоголь, Достоевский, Чехов, Горькийлер мейлінше жеріне жеткізіп, жан-жағынан алып, кең қамтып жазып еді. Оны бізде кезінде өзінің әңгімелерімен Мұхтар Әуезов, Бейімбет Майлин, енді бүгінде Дулат Исабеков әлем әдебиетінде үлкен орын алған осы тақырыпты атақты үш повесі «Дермене», «Сүйекші», «Тіршілікке» бірынғай арқау қып алып отыр...».

«Тұлпардың тегін тұлпар таниды» деп сыйныш Сағат Эшімбаев айтқандай, Дулат Исабековті «ұлттың ұтыны», «ұлттың рухына» балаған ақын Есенғали Раушанов жыр дүлдүлі Темірхан Медетбектің Дулат туралы өлең-портретін алабөтен мақтайды. Неге? Не үшін? Ой безенене тартыңыз. Бар-жоғы алпыс бес жолдан тұратын туындыны үзіп-жұлмай тұтас ұсынғанды дұрыс көрдім. Жазушы бейнесін ақын-жүрек сикыр сөзбен қалай қашаған екен?

Мен сені бәрібір

Түсінбей қойдым:

Бірде

Жібектей жұп-жұмсақ,

Ал бірде

Кылыш жсанитын

Кайрақ тастайсың;

Бірде сен

Үздігін үлбіреп,

Енді бір кезде

Албасты бәлелерді

Желкелерінен алып

Шайнап тастайсың.

Ал бірақ

Елім дегенде

*Мұңлық пен Зарлықтан да
өткен*

Зарлысың.

Жерім дегенде

Жаныңды қып жіберер

Арлысың.

Менің білгенім:

Бірде сен

Көл-көсір сезімсің;

Ал бірде

Қара тас төзімсің...

Тағы да білгенім:

Мына тірлікті

Жылан тұрып

Күлдіре алатаң да,

Күліп тұрып

Жылата алатаң да

Өзіңсің!

*Бірден айтайын,
Сен қазір
Жұрт ушин
Бірде леп белгі,
Ал бірде сұрақсың.
Бірде тұжыр тұманды,
Ал бірде ап-айқын
Жұмбақ Дулатсың.
Сонымен қымбатсың.*

*Кандай бір кезде де
Маңғаз басатын*

*Атап секілді
Аспайсың да саспайсың.
Асықтай сөйлем отырып
Айнала жүртты
Төгілген күлкінің
Бірде гүліне,
Бірде күліне
Көміл тастайсың.*

*Даңғой мен
Дарақыларды
Мерезді сорақыларды*

*Жайпан жіберер
Күлкінің сұрапылын-ай.
Сондай бір кездерде
Алдаркөсө мен
Кожанасырлардың,
Несин мен
Оспанхандардың
Рабле мен Гогольдердің
Аруақ-елестерінің
Риза болып
Кол соғып тұратынын-ай.*

Образға тұнған семсер жыр! Өлеңмен сомдалған суреткер портреті... Парасатты да пан... Айбынды да аскак... Тұғырлы тұлғаның бар болмыс-бітімі мен жан-дүниесі кесек кескінделген. «Дулаттың күлкісі кісі елтіреді», «Дулаттың ойы тұнғыық мұхит», «Дулат — елім деп еніреген жазушы». ... Карапайым халық осылайша бағалайтын қаламгер хақындағы портрет-өлең менің есіме белгілі сыншы, әдебиеттанушы Эмірхан Мендекенің пікірін түсіріп отыр.

«Сыншыларымыз «Әдебиетімізде ұқсас тақырып, ұқсас кейіпкер, ұқсас шешім көбейіп кетті» десіп жүр. Сайып келгенде, мұның жалғыз-ақ себебі бар. Бәленің бәрі — біркелкі ойлаудан. Еркін ойлай алмаудан. Еркін ойлауды игерген суреткерлер қазіргі казак әдебиетінде кадау-кадау, үркердей ғана топ. Соның бірі — Дулат Исабеков».

Еркіндіктің астары сан қабат-ая. Оны әркім әрқалай түсінсе керек.

Жоғарыдағы ой ұшқындары әдебиетіміз бен өнерімізде қалыптасқан «Исабеков әлемі» деген тамаша тіркестің аясын одан бетер аша түсереі сөзсіз.

* * *

— Дулат Исабеков ен өнікті еңбек етіп келе жатқан қаламгер. Қыруар дүниелер жазғанын білеміз. Қолыма түскен кітаптары, мінеки, сіресіп тұр. — Болат бауырым шағын кітапханасындағы серелердегі қаз-катар кітаптарды ретімен көрсете бастады.

— Сенесін бе, мен бұларды екі-үш мәртеден оқыдым. Мықты жазушы. Драмалық шығармалары каншама десейши?!. Пъесалары театрлардан түспейді. Сонда, өзі жұмыс жасай ма? Жазуға уақытты қалай табады? Шахмат пен бильярдқа да қатты күмар көрінеді. Қызмет істесе мұның бәріне қалай үлгереді?..

Осьдан бірер жыл бұрын еңбек демалысында тұган жеріме барғанда ауыл мұғалімі, негізгі мамандығы хим-биолог болса да әдебиетті шекілдеуікше шағатын Төлегенов Болаттан естіген сауалым тағы алдыннан шыққандай. Бұ жолы үлттық телеарна үйімдастырған жастардың жазушымен жүздесуінде студенттердің бірі Дүкене осы тақілеттес сұрақ қойғаны бар. Демек, карапайым оқырман қауымды қаламгердің шығармашылық жолы, өнернамасы қызықтырады. Ендеше, тынданыз.

Өзінің асқаралы жеті асуын өткен ұлу жылы тойлаған жазушы-драматург Дулат Исабеков күні бүгінге дейін қызметтен кол үзген емес. Өзіндік рекорд десе де болады! ҚазМҰУ-дің филология факультетін бітірген 1966 жылы Мемлекеттік телерадио комитетіне аға редактор болып орналасады. Екі жылдай еңбек көрігінде ысылған соң, Қазақ Энциклопедиясы бас редакциясындағы ғылыми редактор қызметін атқарады. 1970-1980 жылдар аралығында таза әдеби басылымдар «Жұлдыз», «Жалын» журналдарында тер төгеді. Осы он жыл ішінде ол қабырғалы қаламгерлер қатарына косылады. Қазақ әдебиетінін олжасына айналған бірнеше кітаптарын ұсынады. Оナン кейін Мәдениет министрлігінің репертуарлық-редакциялық коллегиясының бас редакторы, Қазақ теледидарының бас директоры, «Жазушы» баспасының директоры тәрізді жауапты басшылық қызметтерінде болады. Қазір «Мәдениет» журналының

бас редакторы.

Ол отызға тарта кітаптың авторы. Оқушы көпшілікке «Бекет», «Ашы бал», «Мазасыз күндер», «Қара шаңырақ», «Тіршілік» т.б. повестер мен әңгімелер жинактарын, «Қарғын» романын ұсынды. Сондай-ақ, «Екі жиырма» атты таңдамалы хикаялттары жарық қөрген. Әр жылдары «Шығармалар жинағының» бес томдығын («Өлкө» баспасы, 2003 жыл) және жеті томдығын («Атамұра» баспасы, 2012 жыл) шығарды. «Жеті желкен» тандаулы пьесалар жинағы бөлек жарық қөрген.

Жазушының көптеген туындылары орыс тілінде басылған: «Полынь», «Отчий дом», «Смятение», «Новоселье в старом доме» т.б. Жекелеген шығармалары чех, неміс, поляк, венгр, турік, корей, болгар, башқұрт тілдерінде тәржімаланған.

Дулат Исабеков – танымал драматург. Оның есімі арысы Еуропаға, берісі Орта Азияға кеңінен мәшінр. Оның пьесалары еліміздін, Ресейдің театр саҳналарында үздіксіз койылуда. Драмалық дүниелері ұшан-теніз. Тақырыптары да, проблемалары да алуан-алуан. «Ректордың қабылдау күндері», «Әпке», «Ертенді күту», «Мұрагерлер», «Алыстан келген ананас», «Кішкентай ауыл», «Анасын аңсаған қызы», «Ескерткіш операциясы», «Ескі үйдегі екі кездесу», «Бонапарттың үйленуі», «Мұндық-Зарлық», «Амал мен айла», «Актриса», «Жауғүрек», «Тор», «Құстар фестивалі», «Енді қайттік?» т.б. спектакльдері республикалық, облыстық театрларда, сонымен бірге шет елдердің саҳналарына шыкты.

Сондай-ақ, жазушының туындылары бойынша «Гаунар тас», «Дермене», «Тауқымет» көркем фильмдері түсірілген.

Жазушы-драматург Д.Исабеков Қазақстан Республикасы Мемлекеттік, Халықаралық ПЕН клубтың және Платиналы «Тарлан» сыйлықтарының лауреаты, жоғары үкімет наградаларымен марапатталған.

...Әлгінде шет жағасын жұқалап сездіргенмін. Есінізде шығар, менің сүйікті оқырманым. Жазушы жұмысы, жазушы қызметі туралы жауапсыз қалған сауалға ұлы француз ғұлама-ойшылы Жан Жак Руссоның айтқан тамаша сөзін көлденен тартқым келеді. «Қызметтің ішіндегі ең үлкені – жазушы атқаратын ұлы қызмет, өйткені ол барлық үрпақтардың рухани ұстазы, барлық уақыттардың ақылгөйі». Өте нақты, өте дәл. Құдды біздің геройымыз Дүкене арнап айттылғандай.

Тұнғыш туындысымен-ақ жарқырап өкшаша көрінген оның пырағы бауырын жаза түскең. Тынысы да тарылмаған, бәз-баяғы қалпында. Серек сезімнен туған ғұмырылы шығармалары халқының ақылгөй ұстазына айнала бергей!..

Бұл – баршаның тілегі.

Жалғасы келесі санда.

